

EPOKA

ERE

E përditshme e pavarur
Viti XXIV, nr. 7823
E hënë, 1 korrik 2024
Çmimi 0.50

Sërish zjarr në ndërtesën e Institutit të Mjekësisë Ligjore



Na ndiqni edhe në:
www.epokaere.com
facebook.com
Gazeta "Epoka e re"



POSTERË ME FOTOGRAFINË E VUÇIQIT NË VERI,
POLICIA HAP RAST PËR NXITJE TË URREJTJES

PARALAJMËRON SVEÇLA: NËSE VUÇIQI HYN NË KËSOVË PA KËRKUAR LEJE, DO TË ARRESTOHET

FAQE 4



Posterë me fotografinë e presidentit serb Aleksandër Vuçiq janë vendosur të dielën në katër komunat në veri të Kosovës. Përveç fotografisë së

Vuçiqit, në to shkruhet edhe mesazhi "Komandant Suprem, po të presim". E lidhur me këtë ngjarje ka reaguar edhe ministri i Punëve të Brendshme

të Kosovës, Xhelal Sveçla, i cili ka thënë se nëse presidenti serb futet në Kosovë pa marrë leje nga institucionet e vendit, do të burgoset

OPINION

KOSOVA ME SHUMË "POLITIKANË" E PA ASNJË BURRËSHETAS AKTUAL F. 6

Shkruan: Safet GËRHXHALIU



AKTUALE



ORBANI NJOFTON PËR KRIJIMIN E ALEANCËS "PATRIOTËT PËR EVROPËN" F. 2

O'BRIEN: NA ËSHTË PREMTUAR QË RADOIÇIQI DO TË PËRBALLET ME LIGJIN NË SERBI F. 5

EKONOMI



INSPEKTIMI I USHQIMIT, MBI 400 MIJË KILOGRAMË PRODUKTE U ASGJËSUAN NGA AUV-I GJATË KËTIJ VITI F. 8

SPORT



EKIPET ME MË SË SHUMTI TIFOZË NË 'EURO 2024', SHQIPËRIA LË PAS KOMBËTARE TË MËDHA F. 10

SERWERI: NEVOJITET RIFORMATIMI I DIALOGUT, LAJÇAKU KA DËSHTUAR F. 3



NJË MIRËSEARDHJE E REHATSHME PËR NËNAT DHE FOSHNJAT NË QKUK F. 5



RENOVA
Maqedoni
Xhepçisht - Tetovë
Gurëz-Ferizaj
PUTZ
Tel: +389 44 487 300; +389 44 487 009
+389 44 487 755
Fax: +389 44 487 200
E-mail: renova@mt.net.mk
Mobi: +377 44 501289

PRINCESHA
GROUP SH.P.K.
NDËRTIM
PROJEKTIM
SHITJE
INFO: 049-111-101,
044-511-177
www.princesha-ks.com

Bunjamini
FABRIKA E LLAQEVE
MITROVICË
044/256-051
044/367-061
028/532-617
STYROKOL · BUNJAKOL · EUROFASADË

Kolegji BIZNESI

www.kolegji.biznesi.com
info@kolegji.biznesi.com
038 500 878 | 045 500 878
044 500 878 | 049 500 878

SIGMA
VIENNA INSURANCE GROUP
SIGMA INTERALBANIAN VIENNA INSURANCE GROUP SH.A
DEGA KOSOVË
Rruga "Pashko Vasa", p.n. Prishtinë, Kosovë.
Tel: +381 (0)38 246 301 Fax: +381 (0)38 246 302,
E-mail: info@sigma-ks.net / www.sigma-ks.net

INFINITY
Digital Agency
Endrit Shaqiri
+38344685122
Internet Website,
Marketing...

Orbani njofton për krijimin e aleancës “Patriotët për Evropën”

BUDAPEST, 30 QERSHOR - Kryeministri i Hungarisë, Viktor Orbán, njoftoi se dëshiron të formojë një aleancë të re në Parlamentin Evropian të bashku me partinë e ekstremit të djathtë nga Austria dhe me grupin centrist çek të ish-kryeministrit Andrej Babiš. “Ne kemi marrë përgjegjësinë për lansimin e kësaj platforme të re, këtij fraksioni të ri. Dua ta bëj të qartë se ky është qëllimi ynë”, tha kryeministri nacionalist hungarez në një konferencë të përbashkët me udhëheqësin e partisë austriake, Partia e Lirisë (FPÖ), Herbert Kickl dhe Babiš nga partia ANO.

në mënyrë që të mund të regjistrohet si grup në Parlamentin Evropian. “Një epokë e re po nis dhe pikë së pari ndoshta moment përcaktues për këtë epokë të re është krijimi i një fraksioni të ri politik evropian që do t’i ndryshojë politikat evropiane”, tha Orbán.

Tre liderët nënshkruan “manifestin patriotik”, duke premtuar “paqe, siguri dhe zhvillim” në vend të “luftës, migrimit dhe stagnimit” që, sipas Orbánit, ka sjellë “elita e Brukselit”.

Hungaria të hënën merr kryesimin gjashtëmuor të presidencës të BE-së.

Gjatë udhëheqjes së presidencës, Hungaria është zotuar se do të shtyjë përpara “politika të forta evropiane”, me moton “Bëjeni

Evropën të madhe sërisht”, një moto e ngjashme e përdorur nga ish-presidenti amerikan Donald Trump, një mik i mirë i Orbánit. Partia Fidesz e Orbánit ishte pjesë e Partisë Popullore Evropiane - grupit më të madh parlamentar të BE-së - deri në vitin 2021, kur u tërhoq nga ky grup, pas akuzave të bllokut evropian për përkeqësimin e demokracisë në Hungari.

Partia FPÖ e Kickl është pjesë e grupit Identiteti dhe Demokracia, ku bëjnë pjesë edhe Tubimi Kombëtar i Marine Le Pen dhe Liga nga Italia.

Lëvizja centriste ANO e ish-kryeministrit dhe euroskeptikut Babiš njoftoi javën e kaluar se do të largohet nga grupi Renew. FPÖ ka gjashtë eurodeputetë, ANO shtatë dhe Fidesz 11.



Shtatë të vdekur nga stuhitë në Francë dhe Zvicër



PARIS, 30 QERSHOR - Stuhitë e fuqishme dhe shirat e rrëmbyeshëm që goditën Francën dhe Zvicrën gjatë kësaj fundjave kanë lënë të vdekur të paktën shtatë persona, thanë autoritetet më 30 qershor.

Tre persona, në të 70-tat dhe 80-tat, vdiqën në rajonin verilindor Aube në Francë të shtunën, kur një pemë u rrëzua mbi makinën me të cilën ata po udhëtonin, teksa shteti është goditur nga erëra të fuqishme. Pasagjeri i katërt është në gjendje kritike,

thanë autoritetet lokale për agjencinë e lajmeve, AFP.

Në Zvicër dy persona vdiqën pas shirave të rrëmbyeshëm që shkaktuan rrëshqitje të dheut në juglindje të shtetit, në kantonin italianofolës të Ticinos, tha policia. Më pas autoritetet njoftuan se zbuluan edhe trupat e pajetë të dy personave.

Sipas medieve lokale, dy nga viktimat ishin gra që ishin për pushime në Zvicër.

Moti i lig, po ashtu, ka lënë disa zona pa energji elektrike në

Zvicër.

Edhe javën e kaluar Zvicra u përball me shira të rrëmbyeshëm që lanë të vdekur një person dhe shkaktuan dëme të mëdha.

Në veri të Italisë, në Luginën Aosta, u raportua për vërshime të mëdha për shkak të lumenjve që dolën nga shtrati.

Shkencëtarët thonë se ndryshimet klimatike, të nxitura nga aktivitetet e njerëzve, po rrisin ashpërsinë dhe kohëzgjatjen e motit ekstrem, sikurse përmbytjet dhe stuhitë.

Pheniani: Stërvitjet mes Uashingtonit, Seulit dhe Tokios janë versioni aziatik i NATO-s

PHENIAN, 30 QERSHOR - Koreja e Veriut ka dënuar stërvitjet e përbashkëta ushtarake të Koresë së Jugut, Japonisë dhe Shteteve të Bashkuara, duke i cilësuar si “version aziatik të NATO-s” dhe duke paralajmëruar për “pasoja fatale”.

Ky reagim i Phenianit vjen një ditë pasi këto shtete aleate përfunduan stërvitjet treditore të quajtura “Shqiponja e Lirë”, ku u përfshin raketa balistike dhe mbrojtja ajrore, trajnimet për sulme nga nëndetëset dhe stërvitje për mbrojtje kibernetike.

Udhëheqësit e ShBA-së, Koresë së Jugut dhe Japonisë gjatë një samiti vitin e kaluar u pajtuan që të mbajnë stërvitje vjetore si shenjë e unitetit kundër kërcënimeve bërthamore të Koresë së Veriut dhe rritjes së ndikimit të Kinës në rajon. “Ne



dënojmë fuqishëm... shfaqjen provokuese të muskujve ushtarakë kundër Koresë së Veriut”, tha Ministria e Jashtme e Koresë së Veriut, sipas njoftimit të publikuar nga agjencia shtetërore e lajmeve, KCNA. “Raportet mes ShBA-së,

Japonisë dhe Koresë së Jugut duken si versioni aziatik i NATO-s”, tha kjo ministri, duke paralajmëruar për “pasoja fatale”. “Koreja e Veriut kurrë nuk anashkalon lëvizjet e ShBA-së dhe ndjekësve të saj për ta forcuar bllokun ushtarak”.

Në stërvitjet e fundit u përfshi edhe aeroplanmbajtësja amerikane, me fuqi bërthamore, USS Theodore Roosevelt, sistemi raketor japonez JS Atago dhe avionët luftarakë të Seulit të llojit KF-16.

Pheniani gjithmonë reagon për

stërvitje të tilla ushtarake, të cilat i cilëson si përgatitje për pushtim.

Seuli ka hedhur poshtë akuzat e Phenianit, duke thënë se stërvitjet e fundit ishin vazhdim i stërvitjeve mbrojtëse që mbahen rregullisht për vite të tëra nga tre aleatët. “Është absurde që Koreja e Veriut, burimi kryesor i tensioneve në Gadishullin Korean, kritikon stërvitjen ‘Shqiponja e Lirë’, duke i cilësuar si ‘NATO aziatike’”, tha Ministria e Mbrojtjes e Seulit.

Tensionet mes dy Koreve janë rritur së fundi, pasi të dyja kanë hedhur në territoret e njëra-tjetres balona gjatë javëve të fundit. Veriu i ka mbushur balonat me mbeturina, ndërkaq Seuli ka hedhur balona të mbushura me mesazhe pro-Seulit.

Gërvalla takon homologun kroat: Duhet të finalizohet anëtarësimi i Kosovës në KiE

PRISHTINË, 30 QERSHOR - Fuqizimi i bashkëpunimit në proceset e integritetit euroatlantik të Kosovës, iniciativat e përbashkëta rajonale, bashkëpunimi në siguri, mbrojtje dhe shkëmbime tregtare, ishin temat në fokus të takimit që zëvendëskryeministrja dhe ministrja e Punëve të Jashtme dhe Diasporës, Donika

Gërvalla, pati me ministrin e Jashtëm të Kroacisë, Gordan Grlic-Radman.

Në takim bilateral të mbajtur në Forumin e Dubrovnikut, ministrja Gërvalla shprehu mirënjohjen ndaj Kroacisë për mbështetjen e madhe që i ka dhënë Republikës së Kosovës në procesin e anëtarësimit të Kosovës në Këshillin e Evropës, duke deklaruar se ky proces

duhet të finalizohet sa më shpejt me anëtarësimin e plotë në KiE.

Ministrja Gërvalla në takim me ministrin Radman foli edhe rreth veprimeve destabilizuese të Serbisë në rajon dhe nevojën e rritjes së bashkëpunimit në mes të shteteve propeëndimore të Ballkanit Perëndimor për ruajtjen e paqes dhe stabilitetit.



Serweri: Nevojitet reformatimi i dialogut, Lajçaku ka dështuar

PRISHTINË, 30 QERSHOR - Profesori në Universitetin "Johns Hopkins" në Shtetet e Bashkuara të Amerikës, Daniel Serwer, thotë se është i nevojshëm reformatimi i dialogut Kosovë - Serbi. Sipas tij, emisari i BE-së për dialogun, Miroslav Lajçak, ka dështuar pasi palët s'po e zbatojnë Marrëveshjen Bazë të Brukselit dhe Aneksin e Ohrit dhe, si të tilla, janë joefektive.

Ai në një intervistë për KosovaPress ka kritikuar në veçanti Serbinë që s'po pranon ta nënshkruajë marrëveshjen dhe po e mohon vazhdimisht të njëjtën.

Analisti amerikan kërkon nga Bashkimi Evropian largimin e masave ndëshkuese ndaj Kosovës, derisa thekson nevojën që sa më shpejt përgjegjësit e sulmit terrorist të vitit të kaluar në Banjskë të Zveçanit të vihen para



drejtësisë. Krahas këtyre, ai deklaron se raportet Kosovë - ShBA janë në një kohë të vështirë, mirëpo shton se s'ka ndryshuar

asgjë sa iu përket qëllimeve për pavarësinë dhe sovranitetin e Kosovës.

Njohësi amerikan i rrethanave

politike në Ballkanin Perëndimor thotë për KosovaPress se në kuadër të reformatimit të dialogut duhet të shkohet më shumë drejt

përafrimeve në çështje praktike në terren sesa drejt normalizimit politik. "Iu takon Kosovës dhe Serbisë ta bëjnë këtë (zbatimin e marrëveshjes). Serbia ka refuzuar qartë me shkrim zbatimin e marrëveshjes së Brukselit. Nuk mund të bëj asgjë për ta detyruar Serbinë ta pranojë atë. Mendoj se është fare e qartë se ne kemi nevojë për një rivendosje në dialog. Do të doja të shihja një rivendosje drejt çështjeve më praktike dhe jo drejt normalizimit politik. Është një urë shumë larg", thotë ai.

Megjithëse deklaron se emisari i BE-së për dialogun, Miroslav Lajçak, e njeh Ballkanin Perëndimor më shumë se çdo diplomatë që ka shërbyer në rajon, sipas tij, i njëjti ka dështuar në dialog.

Kurti: e-Kosova, dëshmi e vizionit të qeverisë për t'i kthyer situatat e vështira në ndryshime pozitive



PRISHTINË, 30 QERSHOR - Kryeministri Albin Kurti e ka vlerësuar të dobishme platformën e-Kosova e cila është prezantuar gjatë kohës së pandemisë Covid-19.

Në "X", Kurti thotë se platforma e-Kosova tani ofron mbi 175 shërbime online. "I prezantuar vetëm tre vjet më parë gjatë pandemisë Covid-19 për të lehtësuar procesin e vaksinimit, platforma e-Kosova tani ofron mbi 175 shërbime online. Mbi 916 mijë përdorues të regjistruar, nga të cilët 50.7% janë gra, kanë akses në shërbimet shëndetësore dhe

familjare dhe mund të përdorin platformën për të aplikuar për grante dhe ndihma, si dhe për të paguar taksat dhe shërbimet komunale, me shumë shërbime të tjera që do të prezantohen së shpejti", ka pohuar ai.

Më tutje, Kurti ka pohuar se kjo platformë është dëshmi e vizionit të qeverisë për t'i kthyer situatat e tilla në ndryshime pozitive. "e-Kosova është shembulli më i mirë i faktit se ka mundësi edhe në situata të vështira dhe është dëshmi e vizionit të Qeverisë sonë për t'i kthyer situatat e tilla në ndryshime pozitive", ka thënë ai.

Rashiqi: Lista Serbe e ka humbur ndikimin në veri

PRISHTINË, 30 QERSHOR - Ka kaluar më shumë se një vit që kur katër komunat në veri të vendit po udhëhiqen nga kryetarë shqiptarë. Nisur nga kjo, po vlerësohet se ndikimi i Listës Serbe në atë pjesë ka rënë dukshëm.

Ministri për Komunitete dhe Kthim, Nenad Rashiq, thotë se Lista Serbe ka kërcënuar

qytetarët për interesa të saj. "Ka një rënie të ndikimit, por më duhet të tregoj se ne si institucione të Kosovës duhet të bëjmë shumë më shumë sesa që e bëjmë në këtë moment. Atje ka një grup që kërcënon të gjithë ata të cilët dëshirojnë të marrin pjesë në përmbajtjen e komunave me kryetarë

shqiptarë. Unë sot e kam dërguar një propozim për emërim të mundshëm për një zëvendëskryetar në njërin nga komunat", tha Rashiq për "Tëvë1".

Ministri nga radhët e komuniteti serb i akuzoi qeverisjet e kaluara për mospërfshirje në katër komunat veriore.





POSTERË ME FOTOGRAFINË E VUÇIQIT NË VERI, POLICIA HAP RAST PËR NXITJE TË URREJTJES

Paralajmëron Sveçla: Nëse Vuçiqi hyn në Kosovë pa kërkuar leje, do të arrestohet

Posterë me fotografinë e presidentit serb Aleksandër Vuçiq janë vendosur të dielën në katër komunat në veri të Kosovës. Përveç fotografisë së Vuçiqit, në to shkruhet edhe mesazhi “Komandant suprem, po të presim”. E lidhur me këtë ngjarje ka reaguar edhe ministri i Punëve të Brendshme të Kosovës, Xhelal Sveçla, i cili ka thënë se nëse presidenti serb futet në Kosovë, pa marrë leje nga institucionet e vendit, do të burgoset

EPOKA E RE

Mal QORRAJ

PRISHINË, 30 QERSHOR - Në veri të Kosovës janë shfaqur posterë me fotografinë e presidentit të Serbisë, Aleksandër Vuçiq, shoqëruar me mesazhin “Komandant suprem, po të presim”.

Posterët e tillë janë hasur në Mitrovicë të Veriut, Leposaviq, Zveçan dhe Zubin Potok - katër komunat në veri të Kosovës të banuara me shumicë serbe.

Zëvendës drejtori i Policisë së Kosovës për rajonin e Veriut, Veton Elshani, konfirmoi për Radion Evropë e Lirë se autoritetet kanë hapur rast për “nxitje të urrejtjes”. “Në disa lokacione në katër komunat në veri të vendit janë shpërndarë pamflete me fotografinë e kryetarit të Serbisë. Pas konsultimit me prokurorin e shtetit është hapur rasti për nxitje të urrejtjes”, tha Elshani.

Aktualisht, sipas Elshanit, nuk ka persona të dyshuar për vendosjen e këtyre posterëve, por “policia po punon për ndriçim të rastit”.

Ndërkaq sa i përket situatës së sigurisë në veri, Elshani tha se është

e mirë.

Ministri i Punëve të Brendshme i Kosovës, Xhelal Sveçla, reagoi lidhur me vendosjen e posterëve në veriun e Kosovës, dedikuar presidentit Vuçiq. Ai tha se nëse lideri serb futet në Kosovë, pa marrë leje nga

institucionet e vendit, do të burgoset. “I paskan ngjitur tinëz gjatë natës disa posterë në veri të Kosovës. Aty thonë që po e presin presidentin e Serbisë të vijë duke e quajtur atë ‘komandant’. Nëse është nisur pa kërkesë të Ministria jonë e

Punëve të Jashtme dhe Diasporës, edhe ne po e presim të vijë dhe mandej mund ta vizitoni në burg, ku ai i ka tashmë disa miq”, ka shkruar Sveçla në “Facebook”.

Shfaqja e këtyre posterëve në veri ndodh në kohën kur tensionet në mes të Kosovës dhe Serbisë vazhdojnë të jenë të larta që nga maji i vitit të kaluar, kur kryetarët e rinj shqiptarë në katër komunat në veri nisën mandatin.

Tensionet u rritën edhe më shumë në shtator, kur një grup i serbëve të armatosur sulmoi Policinë e Kosovës në Banjskë të Zveçanit, duke vrarë një rreshter.

Përgjegjësinë për sulmin e mori Millan Radoiçiq, ish-nënkryetar i Listës Serbe, partisë kryesore të serbëve në Kosovë që gëzon mbështetjen e Beogradit.

Prishtina ka kërkuar nga Beogradi t’ia dorëzojë Radoiçiqin dhe grupin e tij autoriteteve gjyqësore të Kosovës. Këtë kërkesë kryeministri i Kosovës, Albin Kurti, e bëri edhe gjatë raundit të fundit të dialogut që ndërmjetësohet nga Bashkimi Evropian - më 26 qershor. BE-ja tha se kjo ishte një prej tri kushteve që Kosova ka vendosur për angazhimin e saj në procesin e normalizimit të raporteve me Serbinë.



Një mirëseardhje e rehatshme për nënat dhe foshnjat në QKUK

PRISHTINË, 30 QERSHOR - Në katër reparte të Klinikës së Obstetrikës dhe Gjinekologjisë (KOGJ) në Qendrën Klinike Universitare të Kosovës u bënë renovime të konsiderueshme, që i përmirësuan kushtet për pacientët dhe për të porsalindurit. Shërbimet sanitare, kontrollimi i klimës, sistemi i thirrjes së infermierëve janë vetëm disa prej përmirësimeve. Mirjeta, që ka sjellë në jetë fëmijën e dytë, thotë se ka vënë re shumë ndryshime nga përvoja e saj e para dy vjetëve kur ka lindur fëmijën e

parë. "Temperatura në dhomë është konstante. Ka kondicioner dhe dritaret kanë perde. Kur kam qenë atëherë dhoma ka qenë shumë e papastër, ashtu edhe korridorët e tualetet", rrëfen ajo. Mbi shtratin e Mirjetës ishte edhe një pajisje që ajo nuk e kishte vënë re më herët - për sinjalizimin e infermierëve në rast nevojë. "Ta them të drejtën, nuk e kam ditur se për çfarë shërben", thotë Mirjeta për Radion Evropa e Lirë. "Por edhe nuk kam pasur nevojë, sepse infermierët më kanë vizituar pa i thirrur", tregon ajo.

Me renovimet e bëra është lehtësuar edhe puna e stafit - "për 60 për qind", thotë mamia Hasime Kostanica. "Që nga përfundimi i renovimeve [më 18 qershor] unë kam bërë kujdestari tri herë dhe e kam vërejtur se puna është më e lehtë", thotë Kostanica. "Ka pasur raste kur pacientet i kanë humbur ndjenjat derisa i kemi përcjellë në tualete, pasi ato kanë qenë larg nga dhomat. Tash tualetet janë në dhoma", tregon mamia, e cila punon në KOGJ tash e 22 vjet. Ankesat ajo i ka për, siç thotë, stafin e pamjaftueshëm. Thotë se

ka ditë kur për 30 lehona kujdesen vetëm dy infermiere apo mami. Drejtori i Klinikës së Obstetrikës dhe Gjinekologjisë, Zef Ndrejaj, i cilëson renovimet e bëra si "standarde normale dhe të nevojshme" si për pacientet, po ashtu edhe për stafin. "Janë përmirësuar dukshëm kushtet e qëndrimit në klinikë e në dhoma. Nuk do të ketë më dhoma me gjashtë shtretër. Tash dhomat janë vetëm me nga dy shtretër", thotë Ndrejaj, duke përmendur vetëm një nga investimet e bëra. Renovimet në katër repartet e

KOGJ-it janë bërë me buxhetin e Ministrisë së Shëndetësisë, kanë kushtuar rreth 2.5 milionë euro dhe kanë zgjatur rreth pesë muaj. Zotimet janë se renovime do të bëhen edhe në shtatë repartet e tjera të KOGJ-it. Sipas drejtorit Ndrejaj, ato që janë bërë tashmë do të mundësojnë edhe disa shërbime të tjera në KOGJ, përfshirë atë për zbulimin e anomalive kromozomike, të defekteve gjenetike e të tjera. Në KOGJ, brenda 24 orësh, lindin rreth 30 foshnja. Gjatë gjithë vitit të kaluar kanë lindur rreth 8 mijë.



O'Brien: Na është premtuar që Radoiçiçi do të përballet me ligjin në Serbi



PRISHTINË, 30 QERSHOR - Ndihmësekretari amerikan i Shtetit, James O'Brien, tha se Serbia ka premtuar se Millan Radoiçiçi do të përballet me ligjin lidhur me ngjarjet e shtatorit në Banjskë të Zveçanit. Radoiçiçi ka marrë përgjegjësinë për sulmin e armatosur nga një grup serbësh ndaj Policisë së Kosovës, që vranë një zyrtar

poligor. Gjatë këmbimit të zjarrit më 24 shtator 2023, u vranë edhe tre sulmues serbë. Zyrtari amerikan gjatë forumit të Dubrovnikut tha se pret që Serbia ta mbajë premtimin. "ShBA-ja dhe BE-ja në mënyrë të vazhdueshme kanë thënë se krimet e kryera në shtator [në Banjskë] duhet të ndëshkohen. Ne presim dhe besoj se na është

premtuar se zoti Radoiçiçi do të kalojë nëpër një proces të plotë ligjor në Serbi. Është gjë e mirë që duket se nuk është aktiv në veri të Kosovës, siç ka qenë më herët, shohim se nga kjo ka përfitime pozitive. Ndaj tij është ngritur akuzë dhe presim që procesi ndaj tij të përfundojë", tha O'Brien. Serbia e akuzon Radoiçiçin për

blerje të armëve, municioneve dhe mjeteve shpërthyes me fuqi të madhe shkatërruese nga Tuzlla në Bosnjë-Hercegovinë, nga janari 2023 deri më 24 shtator. Atij autoritetet ia kanë ndaluar shkuarjen në Kosovë. Autoritetet në Kosovë e vlerësojnë si akt agresioni sulmin në Banjskë dhe kanë fajësuar Serbinë se ka gisht në të.

Beogradi e ka mohuar përfshirjen. Kryeministri i Kosovës, Albin Kurti, ka vendosur si një prej kushteve për angazhim në dialog me Serbinë, edhe dorëzimin e Radoiçiçit dhe grupit të tij tek autoritetet gjyqësore të Kosovës. Bashkimi Evropian ka thënë se Serbia nuk është treguar e gatshme të pranojë këtë kusht gjatë raundit të fundit të dialogut të mbajtur më 26 qershor. Duke folur për Kosovën dhe Bosnjë-Hercegovinën, O'Brien tha se në dy shtetet duhet të përjashtohet mundësia e përdorimit të forcës për zgjidhjen e çështjeve. "Mendoj se duhet të jemi të qartë se përdorimi i forcës për të arritur të zgjidhja duhet të përjashtohet. Kjo përfshin pjesët më të ndjeshme të Bosnjë-Hercegovinës dhe në veri të Kosovës dhe mendoj se këtu aktorët relevantë shtetërorë kanë ndërmarrë qëndrime të forta se nuk mbështesin përdorimin e forcës në këto zona. Por, ne na duhet ta largojmë diskutimin për dhunën, dhunën shtetërore. Kjo do të na mundësonte të përdornim mjetet që kemi në një mënyrë që ne mendojmë se do të ishte produktive", tha O'Brien.

Kosova me shumë 'politikanë' e pa asnjë burrështetas aktual



Shkruan: Safet GËRXHALIJ

Që nga pandemia Covid-19 dhe lufta në mes të Rusisë dhe Ukrainës bota ka përjetuar ndryshime të shumta por edhe me sfida të papritura dhe të rrezikshme.

Gjeopolitika po ndryshon duke u krijuar tabore dhe aleanca politike, ekonomike, kulturore dhe historike.

Pjesa më e madhe e botës është në proces të zgjedhjeve politike duke filluar nga ShBA, BE, Britania e Madhe, India por edhe në shumë shtete tjera. Ndërkaq fryma

majtiste, nacionaliste por edhe separatiste është në rritje e sipër.

Këtë e dëshmojnë rezultatet e zgjedhjeve qoftë në Francë, BE, Sllovakë, Britani, etj.

Ballkani Perëndimor vazhdon të prodhojë edhe më tutje më shumë histori dhe të kaluar se sa normalizim politik, ekonomik, kulturor, social, integrues dhe perspektivë evropiane.

Emëruesi i përbashkët i zgjidhjes së problemeve në Ballkanin Perëndimor është arritja e një marrëveshje përfundimtare në mes të Kosovës dhe Serbisë, por që të dyja palët janë shumë afër por edhe shumë larg.

Nga prolongim i dialogut maratonik në mes të Kosovës dhe Serbisë koston më të madhe në këtë drejtim po e paguan Kosova. Dominimi i agjendës politike po i lë jashtë fokusit shumë procese strategjike në interes të shtetit dhe

perspektives evropiane të Kosovës. Në kohën e krenimit të 25-vjetorit të çlirimit të Kosovës të jemi nën masa ndëshkuese apo sanksione nga Bashkimi Evropian besoj se është mjerimi më i madh që e ka katandisur Kosovën.

Aroganca e pushtetit përballë qytetarëve, përballë sektorit privat, përballë sindikatave dhe zbatimi i formulës famëkeqe se 'në qoftë se nuk je me ne, je kundër nesh' është rrezik në rritje.

Tentativa për barazi në varfëri dhe jo në zhvillim ekonomik dhe qëndrueshmëri vazhdon të dominojë në Kosovë. Bizneset shumë më tepër dënohen sesa që mbështeten apo rieduktohen e trajtohen.

Raportet e acaruara me shtetet mike evropiane, në veçanti Shtetet e Bashkuara të Amerikës që janë meritoret më të mëdhenj për lirinë dhe Pavarësinë e Republikës së

Kosovës është ushqimi më i mirë për armiq të tonë shekullor.

"Njeriun që fle në gjumë e ke lehtë për ta zgjuar por atë që aktron se po fle e ke të pamundur për ta zgjuar". Në Republikën e Kosovës kritika është armiqësi dhe jo nënë e të mësuarit, prandaj servilizmi i ndërnuar në pa dijeni por në militantizëm partiako-politik është vlera e pushtetit aktual.

Kosovës i duhen liderë që gjejnë zgjidhje të problemeve dhe prolongim apo bajpasim të problemeve.

Në Kosovë mjerisht ka shumë "politikanë" por asnjë burrështetas që ka guxim të ngritët mbi interesa për pushtet dhe për të ushqyer militantët partiakë. Duhet të kemi lider, i cili jep kontribut në të mirë të shtetit dhe qytetarëve të tij, i cili do të forcojë dhe vazhdon partneritetin me shtetet mike evropiane dhe ShBA-të. Duhet të

jemi falënderues ndaj tyre dhe bashkërisht me ta siç e fituam lirinë, duhet ta forcojmë ardhmërinë, sepse këtë e meriton Republika Kosovës, sakrificat për liri. Këtë e meritojnë qytetarët e Kosovës dhe perspektiva euro-atlantike.

Gaboni të gjithë ju "politikanë" dhe armiq në qoftë se mendoni se Republika e Kosovës është e përkohshme, është e arritura më e madhe në historinë e kombit tonë dhe një realitet i pranuar nga shumica e botës demokratike, prandaj pranojeni këtë realitet dhe veproni për shtetin e Republikës së Kosovës, sepse në fund Republika jonë do të jetojë për shumë mote mu për inat të "politikanëve" dhe armiqve të saj - e në të mirë të popullit tonë, miqve dhe partnerëve strategjikë që ishin me ne në këtë rrugëtim sa strategjikë po aq edhe historik.

Sërish zjarr në objektin e Institutit të Mjekësisë Ligjore



PRISHTINË, 30 QERSHOR - Instituti i Mjekësisë Ligjore bëri me dije se në orët e hershme të 30 qershorit, një nga korridoret e daljes emergjente të tij është përfshirë nga zjarri.

Në njoftimin e IML-së u tha se zjarri u lokalizua nga stafi dhe më pas u shua nga zjarrfikësit. "Sipas vlerësimeve preliminare, shkaku i zjarrit ka qenë defekti elektrik në

njërin nga pajisjet elektrike në korridor, mirëpo mendimi përfundimtar do të jepet pas ekspertizës finale e cila do t'i dorëzohet Prokurorisë. Dëmi material është i vogël", u tha në njoftim.

Vitin e kaluar në IML kishin shpërthyer dy zjarre, në mars dhe në nëntor.

Në njoftimin e 30 qershorit, IML-ja tha se ndërtesa e institutit do t'i nënshtrohet rinovimit, sapo të përfundojnë procedurat e prokurimit, në fillim të muajit korrik.

Projekti për renovim, në vlerë prej 900 000 eurosh, sipas IML-së, do të përfshijë "instalimin e sistemit kundër zjarrit, zëvendësimin dhe

riparimin e instalimit elektrik, ventilimin dhe klimatizimin e ri, si dhe ridizajnimin e hapësirave të punës".

Instituti i Mjekësisë Ligjore është përgjegjës për menaxhimin dhe mirëmbajtjen e sistemit mjekoligjor në vend për të siguruar shërbime mjekoligjore, mësimdhënie dhe shërbime

përkrahëse për familjet e personave të zhdukur. Po ashtu, IML-ja ka për detyrë sigurimin e ekspertizës mjekoligjore për organet publike, udhëheqjen e hetimeve mjekësore për vdekjen në vendin e ngjarjes, kryerjen e zvarrosjeve, kryerjen e inspektimeve pas vdekjes dhe kryerjen e autopsive.

"Histori e kulturë", Osmani viziton Muzeun Etnologjik

PRISHTINË, 30 QERSHOR - Presidentja e Kosovës, Vjosa Osmani, së bashku me bashkëshortin, Prindon Sadriun dhe dy vajzat, ka vizituar Muzeun Etnologjik në Prishtinë në këto ditë të nxehta vere, duke shprehur interesimin e saj për

historinë dhe kulturën e vendit. Gjatë vizitës Osmani eksplori ekspozitat e muzeut, duke vlerësuar pasurinë e objekteve të cilat reflektojnë trashëgiminë kulturore të Kosovës. "Nga vizita në Muzeun Etnologjik në Prishtinë - histori e kulturë, por

edhe freski në këto ditë të nxehta vere", ka shkruar Osmani në "Facebook".

Muzeu Etnologjik në Prishtinë mbetet një ndër institucionet kulturore të rëndësishme, që ruan historinë dhe traditat e Kosovës.



Inspektimi i ushqimit, mbi 400 mijë kilogramë produkte u asgjësuan nga AUV-i gjatë këtij viti

PRISHTINË, 30 QERSHOR - Mbi 400 mijë kilogramë produkte janë asgjësuar nga Agjencia e Ushqimit dhe Veterinarisë gjatë këtij viti, produkte këto të cilat nuk i kishin plotësuar kushtet për konsum. Kështu ka treguar për Telegrafin, zëdhënësi i AUV-it, Lamir Thaçi. "Edhe këtë vit kemi pasur produkte që janë larguar në disa raste. Arsyeja ka qenë ruajtja joadekuate. Sasia e përgjithshme e asgjësimit për këtë vit e kalon rreth 400 mijë kilogramë. Nuk është vetëm për shkak të kushteve të ruajtjes, por me lajmërimin e vet bizneseve për arsye të ndryshme, mungesë dokumentacioni dhe origjine, të cilat kanë rezultuar me analiza që nuk janë për konsumim", ka thënë Thaçi.

Thaçi u ka bërë thirrje qytetarëve të kenë kujdes në produktet ushqimore, sidomos në këto



temperatura të larta. Ai ka deklaruar se të gjithë produktet që janë në treg janë të inspektuara dhe janë të sigurta për konsumim. "Në secilin

inspektim gjithmonë e shkruan gjendjen faktike në terren. Kushdo që vendos produkte të dyshimta edhe në kodin penal edhe me ligje të tjera përcaktohet

që të ketë ndjekje penale ndaj tij apo të shqiptohet gjobë mandatore. Kjo është, sipas vlerësimit të inspektorit në terren, në rastin kur është

vlerësuar se në terren është vendosur një produkt në treg që është i dyshimtë, ai e inicion fletëparaqitjen në gjykatë. Pastaj gjykata është ajo që e peshon fajin dhe ndëshkimin", shtoi Thaçi.

Kujtojmë se muaj më parë, pas pretendimeve të ngritura për sigurinë dhe cilësinë e mishit të eksportuar në Shqipëri nga një subjekt ekonomik vendor, Agjencia e Ushqimit dhe Veterinarisë në Kosovë ka dalë me një sërë sqarimesh rreth rastit.

Inspektimet e kryera nga AUV nuk kishin gjetur asnjë parregullsi që do të kishte ndikim në sigurinë ushqimore. "Mishi i freskët i eksportuar është prodhim i therjeve të kafshëve në Kosovë dhe i është nënshtruar kontrollit veterinar në të gjitha fazat e procesimit", kishte njoftuar AUV.

Kosova me shkallë të lartë të varfërisë, Sadiku: Rritja ekonomike, e pamjaftueshme

PRISHTINË, 30 QERSHOR - Varfëria, mungesa e fuqizimit të sektorit prodhues, mospërkrahja e bizneseve, ngadalësimi i rritjes ekonomike në vend, janë disa nga problemet që po ballafaqohet Kosova 25 vjet pas çlirimit.

Profesori universitar Muhamet Sadiku, derisa kërkon nga qeveria më shumë reforma në çështjet që ndikojnë në ekonominë, thotë se Kosova vazhdon për vite të tëra të përballet me probleme të njëjta. Në një intervistë për KosovaPress, profesori Sadiku thotë se derisa të gjitha vendet kanë bërë indeksimin e shpenzimeve sociale e të pensioneve, Qeveria e Kosovës nuk ka lëvizur në këtë aspekt, për çfarë thotë se kjo ka ndikuar që të mos zhvillohet ekonomia e vendit. Sipas Sadikut, në vend mungon ndjesia për zhvillim social e që, sipas tij, Kosova vazhdon t'i ketë problemet e njëjta edhe në shëndetësi, arsim dhe në sektorë të tjerë.



"Në përgjegjësi statistikave, vlerësimet e eksperteve, tregojnë se Kosova gjendet në një situatë tejet të vështirë, sepse së pari

përballet me disa probleme bazike afatgjatë, të cilat nuk janë zgjidhur për këto mbi 20 vjet. Kosova gjithnjë përballet

me probleme të reja të cilat i sjell zhvillimi, sidomos kjo ka ardhur në shprehje gjatë paraqitjes së krizës së madhe

para tri viteve kur Kosova, edhe pse është në Eurozonë, është ballafaquar me inflacion të lartë dhe ky inflacion ka paraqitur goditje të madhe për popullatën, sidomos për atë të varfër, popullatën që jeton në asistencë teknike dhe për pensionistët", ka thënë ai.

Derisa flet për ngecjet ekonomike, Sadiku rendit problemet që po ballafaqohet vendi në aspektin ekonomik, dhe shton se sfidë mbetet bilanci tregtar negativ. Në këtë drejtim vlerëson se Kosova duhet ta fuqizojë sektorin eksportues. "Është e papranueshme që Kosova pas 24 vjetëve të çlirimit, profesorët universitarë dalin me 100 euro pension dhe si mund të flitet për një qeverisje moderne të Kosovës. Kjo nuk duhet të lë askënd të qetë. Ndër problemet e mëdha është bilanci tregtar negativ. Vazhdimisht në këto 20 vjet e kemi rritjen e importit disa herë më të madhe se eksporti", ka deklaruar Sadiku.

Dorëzohet raporti vjetor i BQK-së për vitin 2023

PRISHTINË, 30 QERSHOR - Guvernatori i BQK-së, Ahmet Ismaili, ia ka dorëzuar kryetarit të Kuvendit të Republikës së Kosovës, Glauk Konjufca, raportin vjetor të BQK-së për vitin 2023 në pajtim me nenin 28 dhe 59 të Ligjit për BQK-në.

Guvernatori Ismaili e njoftoi kryetarin Konjufca me përmbajtjen e Raportit Vjetor 2023 që pasqyron punët dhe operacionet e BQK-së, performancën dhe stabilitetin e sektorit financiar dhe ekonomisë së vendit. Raporti përmban pasqyrat financiare të

audituar dhe të miratuara nga Bordi i BQK-së. "Raporti paraqet qëndrueshmërinë afatgjatë financiare të BQK-së dhe realizimin me sukses të objektivave dhe detyrave të ngarkuara nga Kushtetuta dhe Ligji për BQK-në. Vlen të theksohet se ky është viti i parë pas Pavarësisë së Kosovës që BQK-ja si institucion kushtetues ka arritur ta plotësojë normën e përcaktuar ligjore në Llogarinë e Rezervave të Përgjithshme (neni 55 i Ligjit), duke siguruar qëndrueshmërinë financiare. Madje, sipas kërkesave ligjore

(neni 56 i Ligjit), BQK-ja ka arritur të alokojë 50 % të të ardhurave të ndashme si të hyra për Buxhetin e Republikës së Kosovës", thuhet në njoftim.

Më tej, në njoftim thuhet se BQK, si institucion i pavarur kushtetues dhe i besueshëm që punon në mënyrë transparente dhe të përgjegjshme ndaj publikut, me profesionalizëm dhe gjithpërfshirje mbetet e përkushtuar për arritjen e objektivave dhe realizimin e planit strategjik të saj si dhe në komunikimin institucional në pajtim me mandatin kushtetues.



Kryediplotmatja e ardhshme e BE-së



Krerët e BE vendosën të enjten në samitin e Brukselit për emrat e rinj drejtues në BE. Pasuese e Josep Borrell pritet të jetë kryeministrja estoneze, Kaja Kallas. 47 vjeçarja, Kaja Kallas e njeh mirë politikën europiane. Gati në finish, pasi emrat e rinj që do duhet të drejtojnë BE duhet të miratohen edhe nga Parlamenti Europian. 27 krerët e BE vendosën të enjten me shumicë të emërojnë, Ursula von der Leyen për presidente të Komisionit Europian. Italia abstenoj, pas kishte pakënaqësi për emërimet. Antonio Costa emërua si drejtues i Këshillit të BE. Kurse kryeministrja estoneze, Kaja Kallas pritet të jetë e ngarkuara e re BE për politikën e Jashtme duke zëvendësuar kështu të ngarkuarin aktual, Josep Borrell. Krerët e BE vendosën të enjten për kandidaturën e saj në samitin e Brukselit.

Megjithata Kallas ka ende disa pengesa që duhet të kalojë derisa të emërohet përfundimisht si kryediplotmatja e BE. Kallas vetë është shprehur, se nëse flitet për postin e të ngarkuarës së politikës së jashtme, bëhet fjalë vetëm për një kandidaturë. Në një intervistë për radion publike estoneze, Kallas tha se, të enjten (fjala është për samitin e BE ku përcaktohen emrat e posteve të rëndësishme në BE, shën.red.) nuk është ende e vendosur, se kush do të jetë i ngarkuari i ardhshëm i BE për politikën e jashtme. Bëhet fjalë vetëm kush do të jetë kandidat. Por ky është “nder i madh për mua dhe Estoninë.” Planet e Kallas ishin të bëhej Sekretare e Përgjithshme e NATO-s, por për disa në NATO ajo konsiderohej politikane me një gjuhë të ashpër. Në konfliktin e Lindjes së Mesme, megjithatë,

ajo mban një linjë më të ekuilibruar se Borrell, i cili konsiderohet i afërt me palestinezët.

Familje me traditë politike

47 vjeçarja, Kaja Kallas e njeh mirë politikën europiane dhe është një politikane shumë e kërkuar në samitet e BE. Që nga fillimi i luftës në Ukrainë, Kallas ka kërkuar që Ukraina të ndihmohet shpejt dhe me eficientë. Kallas mban një qëndrim të hapur kundër presidentit rus, Putin dhe është në listën e personave të kërkuar nga Rusia. “Ai do që të kemi frikë, po me këtë ne do t’i jepnim atij atë që do të arrijë. Prandaj nuk duhet të kemi frikë”, është shprehur Kallas në një intervistë për radion estoneze. Kallas konsiderohet në Estoni si

“zonja e hekurt”, megjithëse ka pak të përbashkëta me ish-kryeministren britanike, Margaret Thatcher. Ajo vjen nga një familje me traditë politike. Në vitin 1991, pas pavarësisht të Estonisë nga Rusia, babai i saj, Siim Kallas u bë ministër i Jashtëm dhe Financash. Ishte Siim Kallas që negocioi anëtarësimin e Estonisë në BE dhe NATO, si kryeministër estonez në vitet 2002-2003. Siim Kallas ka qenë edhe komisioner i BE për valutën e çështje ekonomike. Kallas para politikës ka bërë karrierë si avokate. Me angazhimin në politikë, Kallas u bë eurodeputete dhe më pas kryeministrja e parë estoneze, vendin që ka një kufi direkt me Rusinë, ku jeton një minoritet i madh rus. Maja Kallas me qëndrimin e saj miqësor por të vendosur, ka bërë që Estonia të ketë peshë në BE.

Popullariteti i Kallas në rënie në Estoni

Media gjermane, “tagesschau” analizon kalimin e Kallas nga politika kombëtare në atë të BE, duke u shprehur se ky hap mund të ketë edhe arsye të brendshme politike. Popullariteti politik i Kallas ka vuajtur shumë pas masave të forta të kursimit të marra nga qeveria e saj. Në zgjedhjet evropiane, partia e e reformave e Kallas u rendit e treta me rreth 17,9%. BE-ja nuk ka vërtet një ministër të jashtëm, sepse diplomacia konsiderohet si një detyrë kryesisht kombëtare. Në vend të kësaj, për rreth 15 vjet, BE ka një “Përfaqësues të Lartë për Politikën e Jashtëm dhe të Sigurisë”, që drejton Shërbimin Evropian të Punëve të Jashtëm (EEAS) me rreth 4,500 punonjës dhe është gjithashtu pjesë e Komisionit të BE-së.

Nadya Tolokonnikova dhe kisha e saj kundër Putinit

Nga: Valeriya SAFRONOVA /
The Financial Times

Në vitin 2012, aktivistja ruse Nadya Tolokonnikova u dënua me dy vjet burg për "huliganizëm të motivuar nga urrejtja fetare", kjo pasi grupi i saj Pussy Riot protestoi kundër regjimit të Vladimir Putinit në një shfaqje brenda Katedrales së Krishtit Shpëtimtar në Moskë. Ajo tashmë e ka ndërtuar kishën e vet. Brenda mureve industriale të OK Linz-it, muzeut të artit bashkëkohor në Austrinë veriore, versioni i kishës së Tolokonnikovas mbështet revolucionin dhe nuk i shmanget seksualitetit femëror. Ngjyrat janë e kuqja dhe e zeza, ndërsa lidere janë gratë e veshura me të brendshme dhe maska.

Ekspozita e parë personale e Tolokonnikovas titullohet thjesht Tërbimi [Rage]. Në veprat e vjetra dhe të reja, reflekton luftën e saj për të balancuar frikën e zemërimin me trimërinë dhe shpresën, duke përdorur motive nga Kisha Ortodokse Lindore, duke përfshirë ikonografinë dhe muzikën. Duket se pyesin: a mund ta kundërshtosh dhunën me mirësi? A mund të ekzistojë besimi pa fe? Dhe, a mundet dikush që jeton në mërgim të mbajë një pjesë të vatanit?

"Besimi ka vend shumë të rëndësishëm në jetën time, por jo si pjesë e ndonjë feje të organizuar", thotë Tolokonnikova, 34 vjeçe, ndërsa kalojmë nëpër ekspozitë. "Duhet të besoj në disa ideale më të larta, që më ndihmojnë t'i



Qelia e izolimit



Kukullat e seksit



Shpata e Demokleut, instalacion nga Nadya Tolokonnikova



Thjesht, Tërbim

tejkaloj momentet e tmerrshme të cilat vazhdimisht i sjell jeta si aktiviste".

Që nga lirimi i saj nga burgu në vitin 2013, Tolokonnikova – e cila për arsye sigurie nuk tregon se ku aktualisht ndodhet – ka qenë e zënë. Aktiviteti i saj rezultoi në emërtimin e saj si "agjente e huaj" në Rusi, në vitin 2021, akuzë që përdoret për të shtypur opozitën dhe që cilësohet si nder mes aktivistëve anti-Putin. Vitin e kaluar emri i saj u gjet në listën e personave të kërkuar nga Ministria e Brendshme ruse.

Në vitin 2022 e krijoi "Hirin e Putinit", një video-performancë në të cilën ajo dhe 11 gra të tjera të veshura me fustane të shkurta të zeza dhe me geta, djegin portretin e Putinit në një shkretëtirë të paspecifikuar, ndërsa mbledhin hirin në shishe të vogla qelqi. Vepra u shfaq në Galerinë Jeffrey Deitch në Los Anxhelos, në fillim të vitit 2023, dhe më vonë u ble nga Muzeu i Artit në Bruklin. Versioni i veprës tani është ekspozuar në OK Linz në një dhomë të errët dhe të frikshme.

Në murin përballë varen katër piktura akrilike, ose "Ikona" siç i ka quajtur Tolokonnikova, që përshkruajnë anëtarët anonimë të Pussy Riot – me aureolë të formuar nga poezitë ose citatet. Njëra nga fytyrat rrethohet nga citimi i një eseje të autorit disident të epokës sovjetike, Alexander Solzhenitsyn. Gjatë kohës së saj në burg,

Tolokonnikova zhvilloi një interes për fenë ortodokse. "E lexoja shumë Biblën sepse nuk kisha qasje në ndonjë vepër tjetër filozofike", thotë ajo duke shtuar se shumica e librave në bibliotekën e burgut ishin romanca për të cilat ajo nuk kishte asnjë interes.

Ka shumë aspekte të ortodoksisë lindore që ajo nuk i pëlqen, duke përfshirë marginalizimin e grave, por vëren se feja ka ndihmuar në mbështetjen e aktivizmit të saj. "Nëse jeton në një botë tërësisht materialiste pa dimension metafizik apo shpirtëror, është shumë më e vështirë të justifikosh sakrificat që duhet të bësh gjatë rrugës", thotë ajo.

Këto sakrifica janë evidente në pjesën e dytë të ekspozitës, të vendosur lart. Aty Tolokonnikova ka riprodhuar qelinë e saj të vjetër.

E njëjta dhomë përmban kujtime nga koha e saj prapa grilave. Krahas shënimeve, letrave dhe deklaratës që shkroi kur organizoi një grevë urie, janë fotot e vajzës së saj Gera e cila mbushi katër vjet në vitin 2012. Një gazetë me fytyrën e Putinit në faqen e parë dhe një artikull i shkurtër për arrestimin, shtrihen pranë një vizatimi të bërë nga vajza e saj.

Vizitorët mund të shohin anën tjetër të dhomës, përmes shufrave të çelikut. Aty ekranet shfaqin video të projekteve dhe protestave




Portreti i Alexei Navalnyt n° ekspozitë



Kapella e tërbimit me pamje nga Hiri i Putinit

muzikore të Pussy Riot, përfshirë atë gjatë Lojërave Olimpikë Dimërore të Soçit më 2014. Gjatë asaj kohe, thotë Tolokonnikova, ajo jetoi në frikë të vazhdueshme. "Njerëzit thjesht kalonin pranë dhe na goditnin me grusht ose na hidhnin antiseptik në fytyrë", thotë ajo. "Kam pasur sulme paniku në metro." Kjo frikë është e dukshme në një vepër tjetër, "Shpata e Demokleut". "Çdo qeveri shtypëse autoritare është thikë me dy tehe", thotë Tolokonnikova. "Ka rrezik për ne aktivistët ... por, ka edhe rrezik për diktatorin. Putini e ka rrethuar veten me armiq dhe për çdo krijon më shumë armiq". Përkthim (i pjesshëm): Telegrafi.com



Veton ZYMBERI, redaktor i sportit

Ekipet me më së shumti tifozë në 'Euro 2024', Shqipëria lë pas kombëtare të mëdha

PRISHTINË, 30 QERSHOR - Mbi 95 mijë tifozë shqiptarë kanë qenë pjesëmarrës në shkallët e stadioneve për ta përkrahur Shqipërinë në "Euro 2024", duke lënë pas vetes shumë kombëtare të mëdha dhe duke u tejkaluar vetëm nga Kroacia, Gjermania dhe Turqia. Mediet gjermane kanë publikuar një listë të shteteve me më së shumti tifozë të pranishëm në Kampionatin Evropian që po mbahet në Gjermani.

Turqia kryeson listën, e ndjekur nga nikoqiri Gjermania, ndërsa në vendin e tretë janë të pozicionuar kroatët.

Të dhënat e zyrës së sigurisë së UEFA-s kanë rënë në duart e mediave gjermane dhe sipas këtyre të dhënave mbi 95 mijë tifozë shqiptarë kanë "pushtuar"



stadiumet gjermane gjatë tri ndeshjeve të fazës së grupeve. Nikoqiri Gjermania ka pasur 125

mijë tifozë të pranishëm, teksa Turqia kryeson listën me 130 mijë sosh.

Kjo tregon më së miri mobilizimin fantastik që patën bashkëkombësit tanë që jetojnë në diasporë por edhe nga trevat tjera të cilët nuk u kursyen aspak ndaj përkrahjes së kombëtares kuqezi.

Shqipëria ka lënë prapa vetes kombëtare të mëdha si Holanda, Anglia, Italia, Belgjika, Franca, Italia, Spanja e shumë të tjera.

Lista e plotë e kombëtareve me më së shumti tifozë të pranishëm në "Euro 2024":

Turqia: 130 mijë tifozë
Gjermania: 125 mijë tifozë
Kroacia: 103 mijë tifozë

Shqipëria: 95 mijë tifozë

Rumania: 92 mijë tifozë

Skocia: 82 mijë tifozë

Holanda: 80 mijë tifozë

Serbia: 73 mijë tifozë

Polonia: 70 mijë tifozë

Anglia: 65 mijë tifozë

Austria: 60 mijë tifozë

Danimarka: 60 mijë tifozë

Gjeorgjia: 60 mijë tifozë

Ukraina: 53 mijë tifozë

Belgjika: 50 mijë tifozë

Hungaria: 46 mijë tifozë

Slovenia: 44 mijë tifozë

Franca: 41 mijë tifozë

Zvicra: 39 mijë tifozë

Republika Çeke: 38 mijë tifozë

Portugalia: 37 mijë tifozë

Italia: 36 mijë tifozë

Slovakia: 35 mijë tifozë

Spanja: 34 mijë tifozë.

Spanja dhe Anglia kalojnë në çerekfinale të 'Euro 2024'

PRISHTINË, 30 QERSHOR – Spanja ka kaluar në çerekfinale të "Euro 2024". "Stuhia e Kuqe" ka triumfuar bindshëm 4:1 ndaj Gjeorgjisë në 1/8 e finales në Kampionatin Evropian. Megjithatë, fillimi nuk ishte i lehtë për ekipin e Luis de la Fuentes.

Le Normand ka shënuar autogol, duke e kaluar Gjeorgjinë në epërsi në minutën e 18-të të ndeshjes. Rodri me një goditje të saktë nga distanca ka barazuar shifrat në minutën e 39-të të ndeshjes. Pjesa e dytë ishte e gjitha për spanjollët. Fabian Ruiz ka përmbysur gjithçka dhe ka kaluar Spanjën në epërsi në

minutën e 51-të. Nico Williams me një super depërtim shënoi për 3:1 në minutën e 75-të të ndeshjes. E Dani Olmo realizoi në të 83-tën për 4:1 dhe epilogun e këtij takimi.

Në çerekfinale, Spanja do të përballet me Gjermaninë, e cila e ka eliminuar Danimarkën.

Në çerekfinale ka kaluar edhe Anglia. "Tre Luanët" kanë triumfuar pas vazhdimëve 2:1 ndaj Sllovakisë në një ndeshje tepër vështirë për ta.

Ivan Schranz, fillimisht ka kaluar Sllovakinë në epërsi në minutën e 25-të të takimit. Më pas, dominimi ishte i tëri i Anglisë, por që nuk ka

arritur ta thyenin mbrojtjen sllovaqe, të udhëhequr nga Milan Skriniar. Megjithatë, goli i barazimit ka ardhur në minutën e pestë shtesë. Ishte Jude Bellingham që ka shënuar gol akrobatik për ta barazuar ndeshjen. E me të nisur vazhdimet, Anglia ka shënuar edhe golin e epërsisë që në fund doli edhe gol i fitores dhe kualifikimit. Në çerekfinale, Anglia do të përballet me Zvicrën, e cila ka eliminuar Italinë.

Sot (e hënë) në orën 18:00 ballafaqohen Franca dhe Belgjika, ndërsa në orën 21:00 Portugalia dhe Sllovenia.



Deputetët e Kosovës tregojnë forcën ndaj atyre të Shqipërisë, fitojnë 5:0

Prishtinë, 30 qershor - Deputetët e Kosovës bashkë me deputetët e Shqipërisë kanë luajtur në një ndeshje futbollit të dielën në stadiumin e Hajvalisë. Rezultati ishte i thellë i

deputetëve të Kosovës, ku mposhtën homologët e Shqipërisë me rezultat 5:0. Kjo ndeshje është zhvilluar në shënim të 25-vjetorit të çlirimit të Kosovës.

Gazeta italiane për Granit Xhakën: Nuk i la lojtarët tanë ta prekin topin



PRISHTINË, 30 QERSHOR - Zvicra e ka mposhtur me rezultat 2:0 Italinë, duke prekur fazën çerekfinale të "Euro 2024". Freuler dhe Vargas ishin dy autorët e golave për

"helvetikët".

E gazeta e njohur italiane, "Tuttomercatoweb", i ka kushtuar vëmendje edhe lojës së kapitenit të Kombëtares zvicerane, Granit

Xhaka, i cili në vazhdimësi pati paraqitje të mira deri më tani duke arritur që dy herë gjatë fazës së grupeve të shpallet "Futbollist i ndeshjes".

Për Xhakën, kjo gazetë ka shkruar se "nuk i kishte lënë futbollistët italianë që ta prekin topin".

Ai së bashku me Remo Freulerin, e kanë dominuar komplet ndeshjen. "Freuler dhe Xhaka dominuan ndeshjen e djeshme ndaj Italisë, në një ndeshje që asnjëherë nuk ishte realisht në diskutim. Freuler, përveç golit të hapjes, e certifikoi paraqitjen me një ecuri të vazhdueshme, së bashku me Xhakën që nuk i la lojtarët tanë të preknin topin. Formë e shkëlqyer fizike dhe tani në çerekfinale zviceranët duan të vazhdojnë kështu", shkruan kjo gazetë.



SHPLLJE E VENDIT TË LIRË TË PUNËS

Titulli i vendit të punës:	Zyrtar/e për mbikëqyrje të sistemeve të pagesave
Grada e pozitës:	gjashtë (6)
Kohëzgjatja e punësimit:	me afat të pacaktuar
Departamenti:	i Infrastrukturës së Tregut dhe Pagesave
Mbikëqyrësi i drejtpërdrejtë:	Udhëheqësi/ja i/e Divizionit për Mbikëqyrje dhe Analiza të Sistemeve të Pagesave

Përshkrim i detyrave dhe përgjegjësi:

- Vlerëson, analizon dhe mbikëqyrë sistemin e pagesave si tërësi, instrumentet individuale dhe mënyrat e reja të pagesave elektronike të përdorura në kuadër të sistemit të pagesave në vend;
- Kontribuon në hartimin e politikave, rregullave dhe procedurave/manualeve për mbikëqyrjen e sistemit të pagesave, në pajtim me standardet ndërkombëtare, me fokus parimet e BIS/CPSS për rregullimin dhe mbikëqyrjen e sistemeve të pagesave;
- Realizon vlerësimin e sistemit të pagesave në pajtim me rregullat e mbikëqyrjes dhe kryen monitorimin e pajtueshmërisë me legjislacionin dhe rregullativën në fuqi që të sigurojë që sistemet e pagesave funksionojnë në mënyrë të sigurt, të qëndrueshme dhe efektive;
- Vlerëson sistemin e pagesave dhe përgatit analiza të reziqeve, përfshirë rrezikun e likuiditetit, rrezikun operacional, rrezikun kreditor, rrezikun ligjor dhe rrezikun sistematik të sistemit të pagesave;
- Siguron që sistemet e pagesave garantojnë shkallë të lartë sigurie dhe besueshmërie operacionale, si dhe që sistemet e pagesave të kenë procedura për vazhdimësinë e punës në raste të jashtëzakonshme;
- Kontribuon, në bashkëpunim me departamentin e licencimit, në vlerësimin e kërkesave të reja për regjistrimin dhe licencimin e institucioneve dhe operatorëve të pagesave, të kliringut dhe shlyerjes së letrave me vlerë, si dhe shërbimeve tjera të pagesave;
- Kontribuon në rishikimin dhe plotësimin e strategjisë për zhvillimin e sistemit kombëtar të pagesave;
- Kontribuon në përgatitjen dhe plotësimin e kërkesave/standardeve të parapara në kuadër të kërkesave për proceset integruese në BE të ndërlidhura me fushë e pagesave;
- Realizon vlerësimin e infrastrukturës teknike dhe ligjore të pjesëmarrësve të ri në sistem;
- Kontribuon në projektet hulumtuese që ndikojnë në zvogëlimin e parasë së gatshme në qarkullimin dhe inicimin dhe promovimin e pagesave elektronike;
- Udhëheqë dhe angazhohet në inspektimet e ofruesve të shërbimit e pagesave, si dhe operatorëve tjerë të mundshëm të sistemeve të pagesave;
- Komunikon dhe koordinohet me Departamentet dhe Divizionet tjera të BQK-së lidhur me kërkesat dhe nevojat që rrjedhin, për mbarëvajtjen e mbikëqyrjes të operatorëve të pagesave individualisht dhe të sistemit në tërësi;
- Në pajtim me standardet e BE-së, analizon mundësitë e përshtatjeve të reja në infrastrukturë teknike dhe ligjore për funksionim më efikas të sistemit të pagesave dhe rekomandon lidhur me mundësitë për ngritjen e cilësisë së shërbimeve të pagesave;
- Ndihmon Udhëheqësin e Divizionit/Drejtorin në komunikimin dhe takimet me palët e jashtme (ofruesit e shërbimeve të pagesave, operatorët) dhe palët e brendshme (departamentet/divizionet) për çështje e përfshira në kuadër të fushëveprimit;
- Sipas nevojë, realizon punë të tjera të lidhura me mbikëqyrjen e sistemeve dhe instrumenteve të pagesave në kuadër DSP-së, të deleguara nga mbikëqyrësi apo hierarkia më lartë apo me obligimet që rrjedhin në kuadër të përgjegjësi të përgjithshme të punës.

Përgatitjet Profesionale/Kualifikimet:

- Diplomë universitare në fushën e shkencave të ekonomisë, shkencave juridike, shkencave matematiko-natyrore, apo relevante;
- Përvojë prej së paku tre (2) viteve të ndërlidhur me kornizën ligjore (vendore dhe ndërkombëtare) direktivat, standardet, infrastrukturën dhe shërbimet e pagesave në BE por edhe më gjer.
- Shkathësi në nxjerrjen e të dhënave statistikore dhe analizave në funksion të mbikëqyrjes së sistemeve dhe shërbimeve të pagesave;
- Shkathësi të shkëlqyeshme organizative, planifikimit dhe të menaxhimit të kohës;
- Shkathësi të shkëlqyeshme ndër-personale dhe të komunikimit, si dhe aftësi në zgjidhjen e konfliktit;
- Saktësi, vëmendje në detaje, si dhe ndjeshmëri ndaj prioriteteve;
- Njohuri të shkëlqyeshme të përdorimit të aplikacioneve softuerike të pakos MS Office;
- Të ketë njohuri të rrjedhshme të gjuhës shqipe dhe/ose serbe në të folur dhe të shkruar;
- Njohja e gjuhës angleze përparësi.

Të gjithë kandidatët duhet të dërgojnë dokumentet e mëposhtme:

- Formularin zyrtar të BQK-së për aplikim;
- Letrën përcjellëse (motivuese) ku theksohet interesimi për këtë pozitë;
- Dëshmi mbi përvojën e punës** (kopjet e kontratave ose vërtetimeve nga punëdhënësi ose dokumente tjera relevante që shërbejnë për të dëshmuar pozitën e mbajtur dhe përvojën e punës, pa cenuar aktet relevante për mbrojtjen e të dhënave personale);
- Raportin nga Fondi për Kursime Pensionale i Kosovës (Trusti)** për periudhën përkatëse, apo vërtetimin tatimor nga Administrata e Tatimore (ATK) kur raporti nga Trusti nuk aplikohet ligjërisht;
- Kopjet e diplomave, ndërsa diplomat e fituara jashtë Republikës së Kosovës duhet të jenë të njohura /nostrifikuar zyrtarisht nga ana e MASHT-it;
- Dëshmi mbi identitetin/kopja e letërnjoftimit që shërben për të vërtetuar shtetësinë e Kosovës.

Procedura e aplikimit:

- Afati i fundit për aplikim është **15 korrik 2024**.
- Aplikimi mund të bëhet online (<https://hris.bqk-kos.org>) përmes faqes zyrtare të BQK-së ose përmes arkivit të BQK-së. Format tjera të aplikimit nuk do të merren parasysh.
- Formën e aplikacionit mund ta shkarkoni përmes faqes zyrtare : www.bqk-kos.org



OBJAVA SLOBODNOG RADNOG MESTA

Naziv radnog mesta	Službenik za nadzor platnih sistema
Stepen pozicije:	Šest (6)
Trajanje radnog odnosa:	Na neodređeno vreme
Odeljenje:	Tržišne i platne infrastrukture
Direktni supervizor:	Rukovodilac Odseka za nadzor i analizu platnih sistema

Opis dužnosti i odgovornosti:

- Ocenjuje, analizira i nadzire platni sistem u celini, pojedinačne instrumente i nove metode elektronskog plaćanja koje se koriste u platnom prometu u zemlji;
- Doprinosi izradi politika, pravila i procedura/priručnika za nadzor platnog sistema, u skladu sa međunarodnim standardima, sa fokusom na BIS/CPSS principe za regulisanje i nadzor platnih sistema;
- Vrši procenu platnog sistema u skladu sa pravilima nadzora i vrši praćenje usklađenosti sa zakonodavstvom i propisima na snazi kako bi se obezbedilo da platni sistemi funkcionišu na bezbedan, stabilan i efikasan način;
- Procenjuje platni sistem i priprema analize rizika, uključujući rizik likvidnosti, operativni rizik, kreditni rizik, pravni rizik i sistemski rizik platnog sistema;
- Osigurava da platni sistemi garantuju visok stepen sigurnosti i operativne pouzdanosti, kao i da platni sistemi imaju procedure za kontinuitet rada u izuzetnim slučajevima;
- Doprinosi, u saradnji sa odeljenjem za licenciranje, proceni novih zahteva za registraciju i licenciranje platnih institucija i operatera, kliring i saldiranje hartija od vrednosti, kao i druge platne usluge;
- Doprinosi pregledu i dopuni strategije razvoja nacionalnog platnog sistema;
- Doprinosi pripremi i ispunjavanju zahteva/standarda predviđenih u okviru zahteva za integracione procese u EU koji se odnose na oblast plaćanja;
- Vrši procenu tehničke i pravne infrastrukture novih učesnika u sistemu;
- Doprinosi istraživačkim projektima koji utiču na smanjenje gotovine u opticaju i pokretanje i promociju elektronskog plaćanja;
- Vodi i angažuje se u inspekcijama pružalaca platnih usluga, kao i drugih potencijalnih operatera platnih sistema;
- Komunicira i koordinira sa drugim odeljenjima i odsecima CBK-a u vezi sa zahtevima i potrebama koje nastaju, za nesmetano funkcionisanje nadzora platnih operatera pojedinačno i sistema u celini;
- U skladu sa standardima EU-a analizira mogućnosti novih adaptacija u tehničkoj i pravnoj infrastrukturi za efikasnije funkcionisanje platnog sistema i daje preporuke u vezi sa mogućnostima za podizanje kvaliteta platnih usluga;
- Pomaže Rukovodiocu/direktoru odseka u komunikaciji i sastancima sa spoljnim stranama (pružaoocima platnih usluga, operaterima) i internim stranama (odeljenja/odseka) o pitanjima koja su obuhvaćena delokrugom;
- Po potrebi obavlja i druge poslove u vezi sa nadzorom platnih sistema i instrumenata u okviru OPS-a, koje delegira supervizor ili viši hijerarhijski ili sa obavezama koje proizilaze iz opštih radnih obaveza.

Profesionalne pripreme/kvalifikacije:

- Univerzitetska diploma u oblasti ekonomskih nauka, pravnih nauka, matematičko-prirodnih nauka, ili relevantni;
- Iskustvo od najmanje tri (2) godine u vezi sa pravnim okvirom (domaćim i međunarodnim), direktivama, standardima, infrastrukturore i platnim uslugama u EU i šire.
- Veština vađenja statističkih podataka i analiza u funkciji nadzora platnih sistema i usluga;
- Odlučne organizacione veštine, veštine planiranja i upravljanja vremenom;
- Odlučne međuljudske i komunikacijske veštine, kao i veštine rešavanja konflikata;
- Tačnost, pažnja na detalje i osetljivost na prioritete;
- Odlučno poznavanje korišćenja softverskih aplikacija MS Office paketa;
- Tečno poznavanje albanskog i/ili srpskog jezika u govoru i pisanju;
- Prednost znanja engleskog jezika.

Svi kandidati moraju dostaviti sledeća dokumenta:

- Zvanični obrazac CBK za apliciranje;
- Propratno pismo (motivaciono pismo) u kojem se naglašava interesovanje za ovu poziciju;
- Dokaz o radnom iskustvu** (kopije ugovora ili potvrde poslodavca ili druga relevantna dokumenta koja služe za dokazivanje funkcije i radnog iskustva, bez kršenja relevantnih akata o zaštiti podataka o ličnosti);
- Izveštaj Kosovskog penzionog štednog fonda (Trusta)** za relevantni period, ili poreska potvrda Poreske uprave (ATK) kada izveštaj Fonda nije zakonski primenjen;
- Kopije diploma, dok diplome stečene van Republike Kosovo moraju biti zvanično priznate/ nostrifikovane od strane MONT-a;
- Dokaz o identitetu/kopija lične karte koja služi za dokazivanje državljanstva Kosova.

Postupak apliciranja:

- Rok za apliciranje je **15 Jul 2024**.
- Aplikacija se može izvršiti onlajn (<https://hris.bqk-kos.org>) preko zvanične veb stranice CBK-a ili preko arhive CBK-a. Ostali oblici za apliciranje neće se razmatrati.
- Obrazac za apliciranje možete preuzeti preko zvanične veb stranice: www.bqk-kos.org





ANNOUNCING THE 2017 QUALITY & SALES AWARDS

Quality & Sales Award Recipients

[Listed in alphabetical order]

- ★ ARC Refreshments Corporation- Antipolo **Philippines**, Quality
- ★ Embotelladora Central S.A **Paraguay**, Quality
- ★ Fabrica de Bebidas Gaseosas Salvavidas S.A. **Guatemala**, Quality
- ★ Fluidi Sh.p.k. **Kosovo**, Quality
- ★ Indústria e Comercio de Bebidas Funada Ltda **Brazil**, Quality
- ★ Interbrand S.A.L. **Lebanon**, Sales
- ★ Kofola ČeskoSlovensko a.s. **Czech Republic**, Quality
- ★ Obi Zulol CJSC **Tajikistan**, Quality
- ★ Partex Sales sales Beverages Ltd. **Bangladesh**, Quality
- ★ Soft Drinks Georgia **Georgia**, Sales





TRADITË QË NGA

1992

